

# INUIT ATAQATIGIIT

## INATSISARTUNI



UKA2021/028

2. november 2021

Hans Aronen

**Piffissaq piniarfiusoq tamaat isigalugu nalunaarutip aalajangersagaasa iluini, umimmannik ukiukkut piniarneq, taamaaliiornermi assersuutigalugu Naternami pisassiissutit ukiakkut pisarineqanngitsoortut ukiukkut iluaqutigineqarsinnaasunngorlugit pinissaat, qulakkeeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq Kristian Jeremiassen, Inuit Ataqatigiit)

Kristian Jerimiassen Umimmaat aasaanerani pisassiissutaasimasunik sulilu nugunneqanngitsunik ukiup tulliunut ukiuunerani piniarneqarsinnaalernissaat siunertaralugu. Minnerunngitsumillu piniarnermik kalaaliminernillu nerisaqartuarnissamik pingaartitsillutit siunnersuuteqarninnut qujanaq.

Siunnersuutit tapersorsorpara, isumaqarama nunatta uumasuinik piniarnikkut Imminut pilersornerulluta atorluaanissarput tamatta siunertarissagipput, inuiaqatigiittullu tamatta pisariaqartitatsinnik piniarnikkut immitsinnut nerisaqartillatalu ikioqatigiissutigisatsinnik ersarinnerujuuaannarnissarput kissaatiguartarakku.

Siunersummilli akuersininni imaassanngilaq, ukiut tamaasa pisassanik sinneruttunik ukiup tullianut nuussiuartarnissamik siunissami ingerlajuarnissatsinnik kissaateqartunga. iliuutsit tamakku oqaluttaannanngortariaqarput, piniartut pisassaarunnerminni qinnuuloortinneqartarneri tusaqquaartussiangortinneqartarneri peerluinnarlugit annertunerusumik peqataatinneqartariaqarput.

# INUIT ATAQATIGIIT

## INATSISARTUNI



Piniartup kialluunniit nalunngilaa piffissami sivikitsumi amerlasoorsuulluni piniakkanik aalajangersimasunik piniarnerup piniakkat ingerlaarfiinik sumiittarfiinillu innarliisartoq.

Piniakkanik pisassiisutaasunik atorluaanerunissaq tamatta kissatigisaraarput, atorluaassangaannilu aamma aqutsilluarnissaq pisariaqarpoq. Ukiutut pisassiisutaasut aqunneqarneri pillugit susassaqartunik tamanik peqataatitsilluni pilersaarusiortuarnissaq pingaaruteqartuaannarpoq, pisassiisutaasullu assigiinngiaartut ukioq kaajallallugu siaarneqarlutik piniarneqartarsinnaaneri upperingaanni periarfissangortinneqarsinnaavoq. Taamaalilluni piniakkanut killilersukkanut aqutsinissami pilersaarusiornikkut susassaqartut akuutinneqarnerminni aqtseqataanermik akisussaataneq periarfissarilissammassuk

Sinerissami sumiluunniit umimmaqarfiusuni umimmaat ukiukkut aasakkullu piniarneqartarnerat piviusuussappat, taava piniakkat suulluunniit pisassiisutaasartut tamaasa ataatsimut isingalugit ukiup qanoq ilinerani uumasut sumi takkuttarneri qimagukkallartarnerilu, piniariaatsit sorliit atorneqarneqartassanersut (Qimussimik allanilluunniit), piniaqatigeeriaatsit qanoq ittut allallu eqqarsaatingalugit aaqqissuussinerit imaqartineqarsinnaapput. Malitsigisaanillu inatsisit aqtsinermi, aallaaniarnermi allanilu sinaakkutaasut iluarsartuunneqarsinnaalissammata.

Taamatut iliornikkut pisassaaruttarnermi inuuniarnikkut inuussutissarsiornikkullu eqqornerlunneqartarneq annikillisarneqarsinnaammat. Ukulu oqaatigisakka siunnersummut soqtiginartumut isummersuutigaakka.

Naalakkersuisut Naternamissaaq ukiuunerani umimmanniartoqarsinnaaneranik periarfissiilernerat assut qujamasuutigigatsigu oqaatigissavara, tamannalu ataavartumik ingerlanneqartariaqartoq qulaani isummersorninni ilannguppara.

# INUIT ATAQATIGIIT

## INATSISARTUNI



Naternaq ukiuunerani ajornaquteqanngitsumik pisariitsumilli qimussimik angallavagineqarsinnaavoq. Taamaattumik umimmanniartitinissami **qimussertartut salliutinneqartariaqartut** isumaqarpunga. Tassani qimmeqarnerup piujaannartinnissaa, pinngortitamik piujaannartitsineq, kulturetoqqamik piujaannartitsineq allallu qulakkeerneqartussaammata. Tamannalu naqissuserumaneqarpat nalunaarummi ersarissarneqarsimanissaa kissaatigivarput.

Siunnersuutillu tunngavia Naalakkersuisunit suliarineqalereersimangaluartoq siunnersuut akuersaarparput.